



БҰЙРЫҚ

2019 ж. 01 сәуір

Астана қаласы

ПРИКАЗ

№ *135*

город Астана

2019 жылғы 20 маусым - 5 шілде
аралығында өткізілетін
Ұлттық бірыңғай тестілеуге
дайындық туралы

«Жоғары және жоғары оқу орнынан кейінгі білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидаларын бекіту туралы» Қазақстан Республикасы Білім және ғылым министрінің 2018 жылғы 31 қазандағы № 600 және «Ұлттық бірыңғай тестілеуді өткізу қағидаларын бекіту туралы туралы» 2017 жылғы 2 мамырдағы № 204 бұйрықтарына (бұдан әрі - Қағидалар) сәйкес **БҰЙЫРАМЫН:**

1. Мыналар:

1) осы бұйрыққа 1-қосымшаға сәйкес орта білім беру ұйымдарының ағымдағы жылғы бітірушілерінен өтініштер (құжат) қабылдау пункттерінің және ұлттық бірыңғай тестілеу өткізу пункттерінің (бұдан әрі – ҰБТӨП) тізбесі;

2) осы бұйрыққа 2-қосымшаға сәйкес ҰБТӨП мен базалық жоғары оқу орындары (бұдан әрі – ЖОО) және оларға бекітілген орта білім беру ұйымдарының өткен жылғы бітірушілері мен техникалық және кәсіптік немесе орта білімнен кейінгі білім беру ұйымдарының бітірушілерінен, сондай-ақ халықаралық алмасу желісі бойынша шетелде білім алған орта білім беру ұйымдарының бітірушілері мен шетелде білім алған, Қазақстан Республикасының азаматы болып табылмайтын, ұлты қазақ адамдардан өтініш (құжат) қабылдайтын желілік ЖОО-лардың тізбесі анықталсын.

2. ЖОО-лар, облыстардың, Нұр-Сұлтан, Алматы және Шымкент қалаларының білім басқармалары ҰБТӨП-пен бірлесе отырып:

1) Ұлттық бірыңғай тестілеуді (бұдан әрі – ҰБТ) ұйымдастыру және өткізу, республикалық бюджет немесе жергілікті бюджет қаражаты есебінен білім беру грантын беру конкурсы немесе ЖОО-ға ақылы негізде оқуға қабылдану немесе республикалық бюджет қаражаты есебінен мемлекеттік білім беру тапсырысы бойынша білім алу мәселелері бойынша ақпараттық-түсіндіру жұмыстарын жүргізсін;

2) Қағидаларда бекітілген тәртіпке сәйкес ҰБТ-ға қатысушылардың өтініштерін қабылдауды ұйымдастырсын;

3) Қазақстан Республикасы Білім және ғылым министрлігінің «Ұлттық тестілеу орталығы» республикалық мемлекеттік қазыналық кәсіпорнымен (бұдан әрі – Ұлттық тестілеу орталығы) бірлесе отырып, ҰБТӨП-тердің қалыптастырылған аудиториялар қорының жоспарын 2019 жылғы 30 сәуірге дейін бекітсін;

4) Ұлттық тестілеу орталығы жүргізген ҰБТӨП-тердің техникалық құралдармен жабдықталуын және жарамдылығын тексеру мониторингінің қорытындысын есепке ала отырып металлездегіштермен, ұялы байланыс сигналдарын өшіретін және бейнебақылау құралдарымен қамтамасыз етсін;

5) осы бұйрыққа 3-қосымшаға сәйкес ҰБТӨП-тер бойынша мемлекеттік комиссия құрамына кандидаттар тізімін 2019 жылғы 15 сәуірге дейін электронды және қағаз нұсқада Ұлттық тестілеу орталығына ұсынсын.

3. ЖОО-лар ҰБТ-ға қатысу үшін өтініштерді қабылдауды жүзеге асыру мақсатында ЖОО қызметкерлері арасынан техникалық хатшылар құрамын 2019 жылғы 1 сәуірге дейін анықтасын.

4. Ұлттық тестілеу орталығы (Р.С. Әлімқұлов):

1) ЖОО-лармен, облыстардың, Нұр-Сұлтан, Алматы және Шымкент қалаларының білім басқармаларымен бірлесе отырып, ҰБТ ұйымдастыру және өткізу жөнінде ақпараттық-түсіндіру жұмыстарын өткізсін;

2) ҰБТӨП-тердің техникалық құралдармен жабдықталуына және жарамдылығына мониторинг жүргізсін және ақпаратты ЖОО-лар мен облыстардың, Нұр-Сұлтан, Алматы және Шымкент қалаларының білім басқармаларына 2019 жылғы 15 сәуірге дейін ұсынсын;

3) ЖОО-лармен, облыстардың, Нұр-Сұлтан, Алматы және Шымкент қалалары білім басқармаларымен бірлесе отырып, 2019 жылғы 20 сәуірге дейін Қазақстан Республикасы Білім және ғылым министрлігіне (бұдан әрі – Министрлік) бекіту үшін:

ҰБТӨП-тер бойынша мемлекеттік комиссия кандидаттарының құрамын;

Министрлік өкілдері мен программистер кандидаттарының тізімін;

апелляциялық комиссия төрағалары кандидаттарының тізімін;

техникалық қызметкерлер кандидаттарының тізімін ұсынсын;

4) осы бұйрыққа 4-қосымшаға сәйкес 2019 жылғы 15 сәуірге дейін электронды және қағаз нұсқада Министрлікке Республикалық апелляциялық комиссия құрамына кандидаттар тізімін ұсынсын;

5) Қағидаларда белгіленген кестеге сәйкес ҰБТ-ға қатысушылардың деректер базасын қалыптастырсын;

6) өңірлерде Министрлік өкілдеріне оқыту семинарларын 2019 жылғы 22 сәуір – 4 мамыр аралығында өткізуді ұйымдастырсын;

7) ҰБТӨП-тердің ҰБТ-ға дайындығы туралы ақпаратты 2019 жылғы 1 маусымға дейін Министрлікке ұсынсын.

5. Министрліктің Білім және ғылым саласындағы бақылау комитеті (Ғ.С. Жұмашев) ҰБТ-ны өткізу кезінде Министрлік өкілі ретінде өңірлерге жіберілетін кандидаттар тізімін 2019 жылғы 15 сәуірге дейін Министрліктің Жоғары және жоғары оқу орнынан кейінгі білім департаментіне ұсынсын.

6. Министрліктің Жоғары және жоғары оқу орнынан кейінгі білім департаменті (Ә.Ж. Тойбаев), Министрліктің Мектепке дейінгі және орта білім департаменті (З.Ә. Мақсұтова) осы бұйрықты ЖОО-лар мен облыстардың, Нұр-Сұлтан, Алматы және Шымкент қалаларының білім басқармаларының назарына жеткізсін.

7. Осы бұйрықтың орындалуын бақылау Қазақстан Республикасының Білім және ғылым вице-министрі Т.І. Ешенқұловқа жүктелсін.

8. Осы бұйрық қол қойылған күнінен бастап күшіне енеді.

Қазақстан Республикасының
Білім және ғылым министрі



К. Шәмшидинова